

նգօք, եւ զառաջին պատարագն Փոխանորդ Եւզոկիացի կարապետ Եպիսկոպոսն եւ սահմանեցաւ այնուհետեւ 'ի հինգշարթի եւ 'ի կիւրակէ աւուրս անխափան պատարագեւ 'ի ներքոյ դմբեթին 'ի վերայ այնր սեղանոյ ('ի 17 Յուլիսի. 1836) : Մինչեւ ցայս վայր զօրութեամբ առաջին հրովարտակին : Եւ 'ի ժամանեւ երկրորդին եւ յընթեռնուլ 'ի դատարանի ըստ առաջնոյն, քակեցին զարտաքին դուռն դաւթի, եւ շինեալ բարձրացուցին, եղեալ 'ի նմա դուռնս երկաթապատ, եւ 'ի վերայ բարաւորի նորին հայեցի վերտառութիւն. եւ 'ի դրանէ աստի մինչեւ 'ի դուռն դմբեթին՝ ձեղուն տախտակամած 'ի պատասպարումն ժողովրդոց յարեւէ եւ յանձրեւէ 'ի ժամ պաշտման. եւ 'ի ներքս 'ի դաւթի անդ շինեցին մի սենեակ կրկնայարկ 'ի պէտս Լուսարարի եւ կարասեաց, եւ քարեայ սանդուխտ վերելից երկաթի յենարանաւ : Իսկ արտաքոյ պարոպի եկեղեցւոյն կառուցին սենեակ մեծ 'ի պէտս անասնոց, զորոյ տեղին յառաջագոյն գնեալ էր Եփրեմ վարդապետ 'ի գիւղականաց, եւ բացին դուռնս երկուս, մին 'ի դաւթի եկեղեցւոյն եւ միւսն 'ի փողոցի : Եւ 'ի վերայ նորս սենեակս երկուս, որոց պատուհանքն հայէին յարեւմուտս դէպ 'ի քաղաքն Երուսաղէմ, եւ զայլ կարեւոր տեղիս ըստ պատշաճին, եւ 'ի վերայ իւրաքանչիւր շինուածոց լինէր քննութիւն 'ի դատարանէ տուեալ Հէօճճէթս :

Չեւ եւս աւարտեալ այսոցիկ շինուածոց՝ առաքեցին Հայք զառաջին եւ զերկրորդ Հէօճճէթս շինութեան 'ի կոստանդինուպօլիս՝ ստիպեալ յընդգիմութենէ Լատինաց, առնուլ 'ի Դրանէ եւ զերրորդ հրովարտակ : Այլ 'ի մատուցանել զայնո 'ի Դուռն գիտութեամբ զլիստորաց ազգին եւ ազերսագրով Ստեփաննոս Պատրիարքի, դարձաւ յետս, զի յերկուս տեղիտ՝ հաւասար Արքայի պատուանունս տուեալ էին Փոխարքային Եգիպտոսի, որոյ վասն չհամարձակէին մատուցանել զայն առ Արքայ, որ սովոր էր զայնպիսի զրեանս ինքնին ընթեռնուլ, այլ փոխանակ նոցին խնդրէին Իլամ 'ի նոյն Դատուորէ ըստ մտաց Հէօճճէթս երկրորդի :

Ի խանաւորք ալգին առեալ էին յառաջագոյն հրովարտակ յԱրքայէ 170 թուին վասն նորոգութեան եկեղեց-